

**UGOVOR O JAVNOJ NABAVCI  
I ISPORUCI ROBA OSNOVNE INFORMATIČKE OPREME I ALATA  
-NABAVKA LAPTOPA**

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ)  
i
2. **„DIGITARIJA“ Društvo za usluge i savjetovanje u informatici d.o.o. Sarajevo**, ul. Zmaja od Bosne broj 14 C, Sarajevo, koga zastupa direktor Rašid Pilav, (u daljem tekstu: Dobavljač)

## **I PREDMET UGOVORA**

### **Član 1.**

Predmet ovoga Ugovora je nabavka i isporuka roba „Osnovne informatičke opreme i alata“

- laptopa 20 komada HP 250 G7 Notebook PC, za potrebe SERDA d.o.o. Sarajevo, projekta „Uspostava modela inovativnog business startup centra za početnike u biznisu sa područja Kantona Sarajevo“, u Konkurentskom postupku, a prema Ponudi ponuđača br: 0064/20 od 13.04.2020. godine i 20.04.2020. godine (poslije e-aukcije).

## **II CIJENA**

### **Član 2.**

Laptopi, koji su predmet ovog Ugovora će se isporučiti Ugovornom organu, po fiksnoj cijeni koja je data u ponudi Dobavljača.

Cijena ponude bez PDV-a iznosi 19.750,00 KM (slovima: devetnaesthiljadasedamstotinapedeset KM), a cijena ponude sa PDV-om je 23.107,50 KM (slovima: dvadesettrihiljadestotinusedam i 50/100 KM).

## **III NAČIN PLAĆANJA**

### **Član 3.**

Plaćanje za robe iz člana 1. ovog Ugovora će se izvršiti na sljedeći način:

- plaćanje putem poslovne banke na račun broj 1401011120023337 otvoren kod SBERBANK BH d.d. Sarajevo,
- rok plaćanja je 15 dana od dana ispostavljene fakture.

## **IV ROK ISPORUKE**

### **Član 4.**

Dobavljač se obavezuje da robu iz člana 1. isporuči u roku od najduže 21 dan od zaključivanja ugovora od objiju strana.

## **V OBAVEZE UGOVORNOG ORGANA**

### **Član 5.**

Ugovorni organ se obavezuje da:

- izvrši obavezu iz člana 3. ovog Ugovora

## **VI OBAVEZE DOBAVLJAČA**

### **Član 6.**

Dobavljač se obavezuje da:

- izvrši obavezu iz člana 4. ovog Ugovora,
- isporuči robu traženog kvaliteta
- ispostavi fakturu za isporučenu robu
- dostavi garanciju na isporučenu robu u skladu sa prihvaćenom Ponudom broj 0064/20.

### **Član 7.**

Za ugovorenu robu iz tačke 1. ovog Ugovora Dobavljač daje garanciju na kvalitet i funkcionalnost u trajanju od 36 mjeseci od dana isporuke.

Garancija za isporučenu robu obuhvata sve kvarove nastale usljed grešaka u proizvodnji i materijalu.

Dobavljač će u toku garantnog perioda održavati isporučenu robu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti komponentu ili neispravni dio isporučene robe.

Garancija se ne priznaje u slučaju kada je do kvara na opremi došlo usljed:

- nestručnog rukovanja i
- fizičkog oštećenja.

## **VII PRIMOPREDAJA**

### **Član 8.**

Primopredaja predmetne robe iz Ponude, vrši se potpisom otpremnice, a ista se potpisuje nakon kvalitativnog i kvantitativnog prijema robe i opreme, koju će izvršiti predstavnik Ugovornog organa.

Ukoliko se pregledom utvrdi da kvalitet ponuđenih roba, ne odgovara traženom i ponudom utvrđenom kvalitetu (brend name oprema) i kvantitetu, Ugovorni organ zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Dobavljača.

### **Član 9.**

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

## VIII PENALI

### Član 10.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

## IX VIŠA SILA

### Član 11.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

## X OSTALE ODREDBE

### Član 12.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

### Član 13.

Ovaj ugovor stupa na snagu kada ga potpišu obje ugovorne strane. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

### Član 14.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

„DIGITARIJA“ d.o.o. Sarajevo  
DIREKTOR  
  
Rašid Pilav  


Broj: UG-1805/20-11  
Dana, 18.05.2020.

SERDA d.o.o. Sarajevo  
DIREKTOR  
  
dr. Ševkija Okerić  


Broj: UG-88/20  
Dana, 04.05.2020